



Broj: 13-11-4-2696/25
Sarajevo, 16.05.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU
o izboru najpovoljnijeg ponuđača

I

Za najpovoljnijeg ponuđača za javnu nabavku roba „Nabavka metalnih polica za arhivu“, po provedenom postupku javne nabavke putem konkurentskog zahtjeva za dostavu ponuda izabran je slijedeći ponuđač:

DEFTER d.o.o. Sarajevo
sa ukupnom cijenom od 12.957,75 KM
(dvanaesthiljadadevetstotinapedesetsedam i 75/100 konvertibilnih maraka) sa PDV-om.

II

Za izvršenje ove Odluke zadužuje se Služba za zajedničke poslove.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-2696/25 od 14.03.2025. godine.

Procijenjena vrijednost javne nabavke sa PDV-om je: 13.000,00 KM (slovima: trinaesthiljada i 00/100 konvertibilnih maraka).

Obavještenje o javnoj nabavci broj: 935-7-1-36-3-116/25 objavljeno je na Portalu javnih nabavki dana 26.03.2025. godine, te je ispravka obavještenja broj: 935-7-1-36-8-128/25 objavljena dana 09.04.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 16.04.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	INTER-COM d.o.o. Zenica	12.987,00 KM
2.	R&S d.o.o. Sarajevo	12.991,68 KM
3.	TERMOELEKTRO TRADE d.o.o. Brčko Distrikt BiH	12.940,20 KM
4.	ADUT PLUS d.o.o. Banja Luka	12.930,84 KM
5.	PRODOOR d.o.o. Sarajevo	12.987,00 KM
6.	WRIGG GIL d.o.o. Sarajevo	12.996,36 KM
7.	DEFTER d.o.o. Sarajevo	12.986,06 KM
8.	SALON BANKARSKE OPREME d.o.o. Sarajevo	12.935,52 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Komisija za javne nabavke roba, radova i usluga je izvršila analizu cijene ponude ponuđača SALON BANKARSKE OPREME d.o.o. Sarajevo, te konstatovala da ista unutar Obrasca za cijenu ponude sadrži računsku grešku. U skladu sa odredbama člana 9.5.1. tenderske dokumentacije ponuđaču SALON BANKARSKE OPREME d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača SALON BANKARSKE OPREME d.o.o. Sarajevo nakon ispravke računске greške iznosila je 12.935,61 (dvanaest hiljadadevetstotinatridesetpet i 61/100 konvertibilnih maraka) KM sa PDV-om.

Komisija za javne nabavke roba, radova i usluga je izvršila analizu cijene ponude ponuđača DEFTER d.o.o. Sarajevo, te konstatovala da ista unutar Obrasca za cijenu ponude sadrži računsku grešku. U skladu sa odredbama člana 9.5.1. tenderske dokumentacije ponuđaču DEFTER d.o.o. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača DEFTER d.o.o. Sarajevo nakon ispravke računске greške iznosila je 12.986,06 (dvanaest hiljadadevetstotinaosamdesetšest i 06/100 konvertibilnih maraka) KM sa PDV-om.

Ponude ponuđača INTER-COM d.o.o. Zenica i DEFTER d.o.o. Sarajevo su **prihvatljive** jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača R&S d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom u tački 8.8.1. navodi se: „Ponude moraju važiti 90 (devedeset) dana, računajući od isteka roka za podnošenje ponuda“, nadalje u tački 8.8.2. navodi se: „Period važenja ne može biti kraći od roka navedenog u tenderskoj dokumentaciji.“

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Općina Novo Sarajevo je dana 09.04.2025. godine objavila izmjenu tenderske dokumentacije, te ispravku Obavještenja o nabavci broj: 935-7-1-36-8-128/25, unutar kojih se navodi da je rok za podnošenje ponuda do dana 16.04.2024. godine u 12:30 sati.

Također ugovorni organ je dana 10.04.2025. godine poslao e-mail svim ponuđačima koji su do tog dana dostavili ponude kako bi ih obavijestio o obavezi izmjene i dopune zaprimljenih ponuda u pogledu izmjenjene tenderske dokumentacije, te kako bi iste bile dostavljene u skladu sa istom.

Ponuđač R&S d.o.o. Sarajevo je dana 15.04.2025. godine dostavio dopunu ponude unutar koje nije dostavljen novi Obrazac za ponudu sa naznačenim datumom važenja ponude od 90 (devedeset) dana računajući od isteka roka za podnošenje ponuda, a koji je bio 16.04.2025. godine. Samim time ponuda ponuđača važi do roka naznačenog na ponudi dostavljenoj 09.04.2025. godine, tj. do 09.07.2025. godine, što je kraće od roka zahtijevanog izmjenom tenderske dokumentacije, te ispravkom Obavještenja o nabavci broj: 935-7-1-36-8-128/25.

Iz naprijed navedenih razloga, ponuda ponuđača R&S d.o.o. Sarajevo se nije mogla uzeti u dalje razmatranje.

Ponudu ponuđača ADUT PLUS d.o.o. Banja Luka Komisija je ocijenila kao **nepravilnu** iz sljedećih razloga:

Tenderskom dokumentacijom u tački 8.2.1. stavka redni broj 14 navodi se da je ponuđač dužan dostaviti Izjavu ponuđača da nudi garanciju na isporučenu robu na period od minimalno 1 godine, sačinjenu i popunjenu u skladu sa priloženim Dokumentom 6, a koja je potpisana i ovjerena pečatom od strane ponuđača (direktor ili ovlašteno lice).

Općina Novo Sarajevo je dana 09.04.2025. godine objavila izmjenu tenderske dokumentacije, kojom je ponuđačima stavila na raspolaganje Dokument 6, kao propisani dokument na kojem su dužni dostaviti Izjavu ponuđača da nudi garanciju na isporučenu robu na period od minimalno 1 godine.

Također ugovorni organ je dana 10.04.2025. godine poslao e-mail svim ponuđačima koji su do tog dana dostavili ponude kako bi ih obavijestio o obavezi izmjene i dopune zaprimljenih ponuda u pogledu izmjenjene tenderske dokumentacije, te kako bi iste bile dostavljene u skladu sa istom.

Ponuđač ADUT PLUS d.o.o. Banja Luka je u sklopu ponude dostavljene dana 09.04.2025. godine, kao i dopune ponude dostavljene 15.04.2025. godine dostavio Izjavu o garantnom roku, a koja nije dostavljena na propisanom Dokumentu 6, u skladu sa izmjenom tenderske dokumentacije.

Iz naprijed navedenih razloga, ponuda ponuđača ADUT PLUS d.o.o. Banja Luka se nije mogla uzeti u dalje razmatranje.

Ponudu ponuđača PRODOOR d.o.o. Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. a) zahtijevano je sljedeće: „*U potvrdama mora biti jasno iskazano da su uspješno realizovani ugovori odnosili na nabavku i isporuku polica za arhivu i/ili kancelarijskog namještaja, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.*“

Ponuđač PRODOOR d.o.o. Sarajevo dostavio je Potvrdu o uredno izvršenom ugovoru izdatom dana 09.04.2025. godine, od strane firme NEXUS ICT d.o.o. Sarajevo.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Unutar iste se navodi da je ponuđač na osnovu ugovora od 04.09.2025. godine, vrijednosti 15.800,00 KM bez PDV-a, izvršio isporuku i montažu arhivskih metalnih pocinčanih polica.

Navedenom potvrdom se navodi naziv i sjedište ugovornih strana, predmet ugovora, vrijednost ugovora, navodi o uredno izvršenim ugovorima, dok je izdavalac potvrde propustio da navede vrijeme i mjesto izvršenja ugovora, iako je isto jasno zahtjevano tenderskom dokumentacijom u skladu sa zakonskim propisima. Također datum izdavanja potvrde je stariji od datum zaključenja ugovora, te se iz navedenog dovodi u pitanje ispravnost podataka navedenih u potvrdi.

Iz naprijed navedenih razloga, ponuda ponuđača PRODOOR d.o.o. Sarajevo se nije mogla uzeti u dalje razmatranje.

Ponudu ponuđača WRIGG GIL d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom u tački 8.8.1. navodi se: „*Ponude moraju važiti 90 (devedeset) dana, računajući od isteka roka za podnošenje ponuda*“, nadalje u tački 8.8.2. navodi se: „*Period važenja ne može biti kraći od roka navedenog u tenderskoj dokumentaciji.*“

Općina Novo Sarajevo je dana 09.04.2025. godine objavila izmjenu tenderske dokumentacije, te ispravku Obavještenja o nabavci broj: 935-7-1-36-8-128/25, unutar kojih se navodi da je rok za podnošenje ponuda do dana 16.04.2024. godine u 12:30 sati.

Također ugovorni organ je dana 10.04.2025. godine poslao e-mail svim ponuđačima koji su do tog dana dostavili ponude kako bi ih obavijestio o obavezi izmjene i dopune zaprimljenih ponuda u pogledu izmjenjene tenderske dokumentacije, te kako bi iste bile dostavljene u skladu sa istom.

Ponuđač WRIGG GIL d.o.o. Sarajevo je dana 15.04.2025. godine dostavio dopunu ponude unutar koje nije dostavljen novi Obrazac za ponudu sa naznačenim datumom važenja ponude od 90 (devedeset) dana računajući od isteka roka za podnošenje ponuda, a koji je bio 16.04.2025. godine. Samim time ponuda ponuđača važi do roka naznačenog na ponudi dostavljenoj 10.04.2025. godine, tj. do 11.07.2025. godine, što je kraće od roka zahtjevanog izmjenom tenderske dokumentacije, te ispravkom Obavještenja o nabavci broj: 935-7-1-36-8-128/25.

Nadalje, tenderskom dokumentaciju unutar Obrasca za cijenu ponude zahtijevane su metalne police i to kako slijedi: - Metalna polica za arhivu 250x100x40 (sa 7 polica) – 16 komada;
- Metalna polica za arhivu 300x100x40 (sa 8 polica) – 12 komada.

Ponuđač WRIGG GIL d.o.o. Sarajevo je dostavio kataloški list za Skladišni regal LB-2 unutar čijih tehničkih karakteristika je vidljivo da je isti moguće isporučiti u opciji dubine ispuna od 100,200,300mm.

Ugovorni organ je tenderskom dokumentacijom od ponuđača zahtijevao da ponude metalne police sa 40cm (400mm) dubine, dok je iz dostavljenih kataloških listova vidljivo da ponudena roba ne odgovara zahtjevima iz tenderske dokumentacije.

Iz naprijed navedenih razloga, ponuda ponuđača WRIGG GIL d.o.o. Sarajevo se nije mogla uzeti u dalje razmatranje.

Ponudu ponuđača SALON BANKARSKE OPREME d.o.o. Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom u tački 8.2.1. stavka redni broj 14 navodi se da je ponuđač dužan dostaviti Izjavu ponuđača da nudi garanciju na isporučenu robu na period od minimalno 1 godine, sačinjenu i popunjenu u skladu sa priloženim Dokumentom 6, a koja je potpisana i ovjerena pečatom od strane ponuđača (direktor ili ovlašteno lice).

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Općina Novo Sarajevo je dana 09.04.2025. godine objavila izmjenu tenderske dokumentacije, kojom je ponuđačima stavila na raspolaganje Dokument 6, kao propisani dokument na kojem su dužni dostaviti Izjavu ponuđača da nudi garanciju na isporučenu robu na period od minimalno 1 godine.

Također ugovorni organ je dana 10.04.2025. godine poslao e-mail svim ponuđačima koji su do tog dana dostavili ponude kako bi ih obavijestio o obavezi izmjene i dopune zaprimljenih ponuda u pogledu izmjenjene tenderske dokumentacije, te kako bi iste bile dostavljene u skladu sa istom.

Ponuđač SALON BANKARSKE OPREME d.o.o. Sarajevo je u sklopu ponude dostavljene dana 16.04.2025. godine, dostavio Izjavu o garantnom roku, a koja nije dostavljena na propisanom Dokumentu 6, u skladu sa izmjenom tenderske dokumentacije.

Nadalje, tenderskom dokumentaciju unutar Obrasca za cijenu ponude zahtijevane su metalne police i to kako slijedi: - Metalna polica za arhivu 250x100x40 (sa 7 polica) – 16 komada;
- Metalna polica za arhivu 300x100x40 (sa 8 polica) – 12 komada.

Ponuđač SALON BANKARSKE OPREME d.o.o. Sarajevo je dostavio kataloški list za Modularne police bez vijaka – Unimondial unutar čijih tehničkih karakteristika je vidljivo da je isti moguće isporučiti u opciji širine police 765, 865,965,1065,1165,1265mm.

Ugovorni organ je tenderskom dokumentacijom od ponuđača zahtijevao da ponude metalne police sa 100cm (1000mm) širine, dok je iz dostavljenih kataloških listova vidljivo da ponuđena roba ne odgovara zahtjevima iz tenderske dokumentacije.

Iz naprijed navedenih razloga, ponuda ponuđača SALON BANKARSKE OPREME d.o.o. Sarajevo se nije mogla uzeti u dalje razmatranje.

Ponudu ponuđača TERMOELEKTRO TRADE d.o.o. Brčko Distrikt BiH Komisija je ocijenila kao **nepravilnu** iz sljedećih razloga:

Tenderskom dokumentaciju unutar Obrasca za cijenu ponude zahtijevane su metalne police i to kako slijedi:
- Metalna polica za arhivu 250x100x40 (sa 7 polica) – 16 komada;
- Metalna polica za arhivu 300x100x40 (sa 8 polica) – 12 komada.

Ponuđač TERMOELEKTRO TRADE d.o.o. Brčko Distrikt BiH je dostavio kataloški list za metalne police MS Super 1 unutar čijih tehničkih karakteristika je vidljivo da je dužina ponuđenih polica 1050mm.

Ugovorni organ je tenderskom dokumentacijom od ponuđača zahtijevao da ponude metalne police sa 100cm (1000mm) dužine, dok je iz dostavljenih kataloških listova vidljivo da ponuđena roba ne odgovara zahtjevima iz tenderske dokumentacije.

Iz naprijed navedenih razloga, ponuda ponuđača TERMOELEKTRO TRADE d.o.o. Brčko Distrikt BiH se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	DEFTER d.o.o. Sarajevo	12.986,06 KM
2.	INTER-COM d.o.o. Zenica	12.987,00 KM

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Ponude ponuđača DEFTER d.o.o. Sarajevo i INTER-COM d.o.o. Zenica su unesene u sistem e-nabavki i zakazana je e-aukcija, koja je održana dana 09.05.2025. godine s početkom u 10:00 sati, i koja je trajala 12 (dvanaest) minuta.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač DEFTER d.o.o. Sarajevo ponudio najnižu cijenu koja iznosi 11.075,00 KM (slovima: jedanaesthiljadasedamdesetpet i 00/100 konvertibilnih maraka) bez PDV-a.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

R. Br.	Naziv i sjedište ponuđača	Ukupna ponuđena cijena bez PDV-a	Ukupna ponuđena cijena sa PDV-om	Procentualno umanjene cijene nakon provedene e-aukcije*
1.	DEFTER d.o.o. Sarajevo	11.075,00 KM	12.957,75 KM	0,22 %
2.	INTER-COM d.o.o. Zenica	11.076,00 KM	12.958,92 KM	0,22 %

* Označava približnu vrijednost procentalnog umanjena nakon zaokruživanja na dvije decimale.

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču DEFTER d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniža cijena, a po provedenoj e-aukciji, u ukupnom iznosu ponude od 12.957,75 KM (dvanaesthiljadadevetstotinašesdesedam i 75/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **5 (pet) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić

DOSTAVLJENO:

- INTER-COM d.o.o. Zenica
- R&S d.o.o. Sarajevo
- TERMOELEKTRO TRADE d.o.o. Brčko Distrikt BiH
- ADUT PLUS d.o.o. Banja Luka
- PRODOOR d.o.o. Sarajevo
- WRIGG GIL d.o.o. Sarajevo
- DEFTER d.o.o. Sarajevo
- SALON BANKARSKE OPREME d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.